

POU KOMINIKASYON
PIBLIK AN MENM TAN

DOKIMAN MEKANIS ENDEPENDANT POU FÉ KONSILTAYSON AK ANKET
DOCUMENT DU MECANISME INDEPENDANT DE
CONSULTATION ET INVESTIGATION

AYITI

MICI-BID-HA-2017-0114

**DEZYÈM RAPÒ SWIVI SOU AKÒ YO TE JWENN NAN FAZ KONSILTASYON AN
PWOGRAM ENFRASTRIKTI POU FÈ PWODIKSYON**

**(HA-L1055, HA-L1076, HA-L1081, HA-L1091)
(2552/GR-HA, 2779/GR-HA, 3132/GR-HA, 3384/GR-HA)**

Dokiman sa a se María Camila Barriga ki te prepare li, se li menm ki responsab dosye anba sipèvizyon Gaston Aín, Koòdonatè faz konsiltasyon MICI a.

Jan sa dwe ye nan Politik ki bay dwa pou tout moun rive jwenn enfòmasyon, nan moman dokiman sa a al jwenn piblik la se nan menm tan an tou li al jwenn konsèy administrasyon an pou enfòmasyon yo.

LIS SIJÈ YO

I.	REZIME JENERAL	
II.	ISTORIK KA A.....	1..... 1
III.	PRENSIP DEBAZ POLITIK MICI POU SWIVI AKÒ YO	3
IV.	MEZI KI TE PRAN PANDAN PERYÒD SWIVI A YO TE LONJE DWÈT SOU LI	33
V.	KONKLIZYON AK LÒT ETAP YO	1011

LYEN ELEKTWONIK YO

1. Aplikasyon orijinal
<http://www.iadb.org/document.cfm?id=40856184>
2. Fich Ka a MICI-BID-HA-2017-0114
<https://www.iadb.org/es/mici/detalle-de-la-solicitud?ID=MICI-BID-HA-2017-0114&nid=21822>
3. Rapò Faz Konsiltasyon an
consultation <http://www.iadb.org/document.cfm?id=EZSHARE-124330786-1142>
4. Premye Rapò Swivi sou Akò yo ki nan Faz Konsiltasyon (2019)
<https://www.iadb.org/document.cfm?id=EZSHARE-124330786-1308>
5. Pwopozisyon pou bay finansman yo pa bezwen remèt pou Pwogram Enfrastrikti a (HA-L1055)
<https://www.iadb.org/Document.cfm?id=EZSHARE-422213973-24>
6. Pwopozisyon pou bay finansman yo pa bezwen remèt pou Pwogram Enfrastrikti a pou fè Pwodiksyon (HA-L1076)
<https://www.iadb.org/Document.cfm?id=EZSHARE-1264222835-30>
7. Pwopozisyon pou bay finansman yo pa bezwen remèt pou Pwogram Enfrastrikti a pou fè Pwodiksyon II (HA-L1081)
<http://www.iadb.org/Document.cfm?id=38279164>
8. Pwopozisyon pou bay finansman yo pa bezwen remèt pou Pwogram Enfrastrikti a pou fè Pwodiksyon III (HA-L1091)
<http://www.iadb.org/Document.cfm?id=39273513>
9. Plandaksyon pou remete sou pye mwayen pou moun yo viv
<https://www.iadb.org/Document.cfm?id=EZSHARE-422213973-89>
(li disponib an Fransè sèlman)
10. Etid sou Enpak Sosyal an Ayiti – Pwogram Enfrastrikti pou fè Pwodiksyon I-IV (HA-L1076, HA-L1081, HA-L1091, HA-1101)
<http://www.iadb.org/Document.cfm?id=37091614>
(li disponib an Anglè sèlman)
11. Etid youn sou lòt pou Enpak sou Anvironman an – Pwogram Enfrastrikti pou fè Pwodiksyon I-IV (HA-L1076, HA-L1081, HA-L1091, HA-1101)
<http://www.iadb.org/Document.cfm?id=39970805>
(li disponib an Fransè sèlman)
12. Nòt pou gide jesyon pou ni bay aksè ni sekirize ka a distans yo.
<https://idbdocs.iadb.org/wsdocs/getdocument.aspx?docnum=EZSHARE-525549286-344>
13. Gid pou kontrekare risk pou fè vyolans sou moun yo pandan y'ap jere rekèt la.
<https://idbdocs.iadb.org/wsdocs/getdocument.aspx?docnum=EZSHARE-525549286-336>

SIG AK ABREVIYASYON YO

Administrasyon	Jesyonè gwoup BID la ki responsab operasyon kote yo jwenn finansman alafwa nan men Gwoup BID oubyen nan men moun ki deklare sa a
AREDE	Aksyon pou Reforestasyon ak Defans Anvironman an
Bank ou BID	Bank Entèramerikèn pou Devlopman
DGI	<i>Direksyon Jeneral Enpo</i>
Repètwà	Konsèy Administrasyon BID la
Ess	Ekip pou Anvironman, Sante ak Sekirite
FK	Faz Konsiltasyon MICI a
GH ou GdH	Gouvènman dAyiti
<i>Kolektif</i> ou Moun kite pote plent yo	<i>Kolektif Peyizan Viktim Tè Chabé</i>
<i>Komité</i>	Gwoup 10 pami Moun kite pote plent yo ki te reprezante <i>Kolektif la</i> pandan tout pwosesis avèk MICI a
MEF	Ministè Ekonomi ak Finans Ayiti
MICI ou Mekanis	Mekanis Endepandan pou fè Konsiltasyon ak Ankèt
OSC	Òganizasyon Sosyete Sivil yo
PAP	Moun ki Afekte pa Pwojè
PAR	Plandaksyon pou dedomajman epi Remete sou pye mwayen pou moun yo viv
PIC ou Pak	Pak Endistriyèl Karakòl (Caracol)
PITAG ou pwogram	«Pwogram Inovasyon teknolojik agwoforestye ak agrikòl». Pwogram sa a se BID ki finanse li kote li aplike opsyon « Ekipman espesyalize yo ak entran agrikòl yo »
UTE	Inite Teknik Ekzekisyon pou Ministè Ekonomi ak Finans

REZIME JENERAL

Pwogram Enfrastrikti pou fè Pwodiksyon gen pou objektif bay jarèt a devlopman sektè prive nan Nò peyi a grasa konstriksyon ak mete sou pye Pak Endistriyèl Karakòl la (Caracol). Pak la chita sou yon espas ki mezire 246 ekta epi se nan komin Caracol li ye tou pre Trou du Nord, Terrier Rouge ak Limonade nan depatman Nòdès an Ayiti.

Bank Entèamerikèn pou Devlopman sipòte pwojè a atravè kat operasyon finansman yo pa bezwen remèt (HA-L1055, HA-L1076, HA-L1081 et HA-L1091) ansanm ak divès koperasyon teknik.¹ Nan moman n'ap prepare rapò sa a, genyen yon lòt operasyon sipò tou nèf ki an preparasyon, HA-L1143 « Pwogram Enfrastrikti pou fè pwodiksyon V ». Pwogram Enfrastrikti (HA-L1055) a, premye operasyon finansman yo pa bezwen remèt te jwenn pèmasyon Konsèy Administrasyon an 25 jiyè 2011. Operasyon an te finanse: (i) Premye Enfrastrikti Pak la, ki gen ladan l tou kloti tèren an, izin pou trete dlo, izin trètman dlo pou yon ti bout tan ak materyèl pou jere fatra yo, (ii) kat batiman endistriyèl, (iii) yon batiman pou administrasyon. iv) Etid sosyal ak etid sou anviwonman an, ansanm ak fason pou redwi pwoblèm yo, ak (v) Plan pou Konpansasyon ak fason pou remete sou pye mwayen pou moun pwojè a afekte yo viv. Yon pati nan finansman dènye eleman sa a se yon aspè tou nan operasyon HA-L1076.

12 janvyè 2017, MICI te resevwa yon plent ki soti nan Kolektif Peyizan Viktim Tè Chabé, kote gen twa òganizasyon sosyete sivil la ki sipòte yo: *Accountability Counsel*, *ActionAid Haiti* ak AREDE. *Kolektif la gen anviron 422 fanmi ki t'ap plante sou tè kote Pak la te konstwi a. Se vre yo te resevwa yon dedomajman anvan. – ki te gen ladan l yon lajan pou yon ti bout tan ak yon lòt lajan definitiv– Moun ki te pote plent yo te di sa yo te jwenn nan pa te kapab ba yo mwayen pou remete sou pye sa yo bezwen pou yo viv. Se menm jan an tou yo te di yo pa te twò konprann enpak Pwogram nan tapral genyen sou anviwonman an, nou vle pale de pwoblèm kontaminasyon rivyè Trou-du-Nord ak lè moun yo ap respire nan zòn kote pwojè a ye, ansanm ak sa ki gen awè a fason pou jere fatra solid yo.*

Yo te dakò plent lan te kalifye pou yo resevwa li nan dat 23 mas 2017. 14 jen nan menm ane a, pwosesis faz konsiltasyon an te kòmanse avèk MICI, sa ki te fini avèk yon akò konfidansyèl ki te siyen 8 desanm 2018. Akò a te gen ladan l mezi ki pral aplike pou korije konsa yo ka remete sou pye mwayen pou PAP yo viv. Nan yon bò, yon manm fanmi moun ki afekte yo ap gen posiblite pou jwenn yon travay nan Pak la aprè li fin pran yon fòmasyon teknik. Yon lòt bò, yon lòt manm fanmi ki afekte yo kapab chwazi youn nan lòt opsyon anplis sa yo: Akse pou gen tè ak sipò teknik (« Aksè pou jwenn tè »); ekipman espesyal ak entran agrikòl (« Ekipman espesyalize yo »); pwogram gradyasyon pou moun ki pi vilnerab yo chita sou devlopman ti biznis ak aksè a mikwokredi (« Pwogram gradyasyon ») ak yon bousdetid pou ennan pou fòmasyon pwofesyonèl (« fòmasyon pwofesyonèl »). An plis de sa, Akò a prevwa eleman ki gen rapò ak aksè pou jwenn enfòmasyon sou kesyon pwogram sosyal yo ak anviwonman yo.

Pou sa ki gen awè a fason pou swivi angajman ki te pran yo fèt, tout pati yo te dakò pou mete sou pye yon komite swivi ki gen twa reprezantan moun ki te pote plent yo, yon reprezantan Administrasyon BID ak yon reprezantan Inite Teknik Ekzekisyon an (UTE). An plis de sa, pati yo

¹ An 2015, Konsèy ekzekitif BID la te dakò avèk operasyon HA-L1101 ki vin sipòte Pak Endistriyèl Caracol la. Men yo te anile li nan lane 2019.

te mande pou MICI fè swivi an. MICI òganize rankont Komite swivi a avèk ed Julián Portilla, ki se youn nan ekspè sou òganizasyon Mekanis la epi nan akonpaye pwosesis la depi nan kòmansman.

Rapò sa a pale de dezyèm ane faz swivi a ki gen ladan l peryòd ki kòmanse nan mwa janvye rive nan mwa desanm 2020. Pandan tan sa a, te gen nèf reyinyon komite swivi a ki te fèt, kote se MICI ki te òganize yo. Akòz pwoblèm ki fè moun pa ka vwayaje pou ka konbat pandemi COVID-19 la, se sou entènèt rankont yo te fèt kote nou te asire nou moun ki te pote plent yo te patisipe pa telefòn. MICI te eseye otan sa posib pou leve defi komunikasyon ak teknoloji yo pou li ka garanti patisipasyon efikas tout pati yo. Konsa, li te cheche jwenn sèvis entèpretasyon fransè-Kreyòl-fransè epi asire swivi desizyon ki te pran nan « Nòt oriyantasyon pou yo ka jere aksè ak sekirite ka yo a distans ». An plis de sa, MICI te kenbe yon kontak an pèmanans avèk pati yo nan fè reyinyon bilaterale (dezade) pou enfòmè epi evalye ansanm pwogrès ki fèt yo pandan y'ap respekte angajman yo.

Nan fen dezyèm ane swivi a, MICI te reyalize gwo pwogrès lè ou konpare li ak lane 2019 la. Espesyalman, an 2020, MICI te remake fason Pati yo te fè pou jwenn lòt mwayen pou fòmasyon nan Sant Fòmasyon Pak la epi se konsa yo te kontribye pou te rann pi fasil fason pou yon moun jwenn travay. Se menm jan an tou MICI te note pwogrès ki monte a 70 % nan aplikasyon opsyon « Ekipman espesyalize yo » ak kòmansman aplikasyon « Pwogram gradiyasyon an », aprè ennan edmi reta sou tout bagay, ak de lòt lane aprè sa. Men, nan ²Ka opsyon « Pwogram gradiyasyon an », MICI te idantifye risk ki genyen pou gen reta anplis ankò akòz difikilte ki genyen pou moun deplase epi pou moun ki te prezante rekèt la patisipe nan pwogram nan. Pou sa ki gen awè a aspè « Aksè a tè », MICI pa te wè pwogrès nan sans sa a, paske pa te gen rezilta epi akòz pwoblèm ki kontinye genyen ki fè yo pa ka jwenn detay sou etap ki dwe fèt yo pou fè transfè non sou papye tè yo.

Pandan tout ane 2020 an, te gen divès kalite pwoblèm nan estrikti a ki te poze kifè sa te gen enflasyon sou aplikasyon akò a. Akòz de baryè yo te mete sou wout nou akòz de pandemi an sa te rive afekte ni aktivite yo ni swivi yo kote depasman yo te limite nan nivo nasyonal ak entènasyonal ak kèk enstitisyon ki te fèmen. Espesyalman, Pak la te fèmen ant mwa Avril ak mwa Out sa te gen konsekans dirèk sou tan ki te genyen pou te reyalize kèk bagay nan eleman « Jwenn travay ». An plis de sa, dezyèm ane swivi a te afekte pa kompleksite kontèks sosyal la ak politik la epi akòz kondisyon sekirite yo ki te frajil sa ki te limite depasman an Ayiti. Pou fini, an oktòb 2020, lajan Ayisyen an te monte (Goud la) anviron 100% pa rapò a dola Ameriken an (USD). Sitiyasyon sa a te rive an menm tan nan kòmansman aplikasyon plizyè opsyon kote montan yo te an dola ameriken nan akò a. Pati yo te antann yo sou yon ajisteman to lajan an ak enflasyon an pou konsève montan yo te jwenn antant sou li a 8 desanm 2018, se nan dat sa a akò a te siyen.

Konsènan defi yon ka apa, MICI te obsève yon pati nan reta aplikasyon angajman ki te pran nan akò a se akòz reta pwosesis administratif la te bay nan administrasyon BID la, ansanm ak reta ki

² MICI te dakò sou egzijans pou enskripsyon dapre konfòmite ak opsyon « ekipman espesyalize » kou ou gen sa ki pou pèmèt li fonksyone byen, ou ka enstale 30 % ki rete yo. Sou sa ki gen pou wè avèk reta yo, li enpòtan pou nou note uit premye mwa yo kote te gen reta yo se akòz pwoblèm yo te jwenn pandan pwosesis chwa opsyon yo (Gade paragaf 3.15 ak premye rapò swivi sou akò faz konsiltasyon an)

genyen nan fòmalitye yo ak nan pwosesis Inite Teknik Ekzekisyon an ki te pran plis tan pase sa yo te panse. Se menm jan an tou, MICI te jwenn pwoblèm nan komunikasyon ak nan mobilizasyon nan mitan gwoup moun ki te pote plent yo, sa ki mete plis reta sou sa ki te deja genyen nan chwa opsyon yo ak reta anplis pou aplikasyon kèk nan yo. Espesyalman, MICI note pwosesis la ap pran kou si patisipasyon moun ki te pote plent yo enskri nan opsyon « Pwogram gradyasyon an » pa te jwenn asirans.

Se poutèt sa, MICI fè we aklè efò ak fleksiblite moun ki te pote plent yo ansanm ak anplwaye UTE yo ak BID, ki te esansyèl pou asire yo pwogrè fèt sou kèk eleman nan akò a. Men, MICI te montre tou bezwen ki genyen pou montre wòl ekip pwojè a nan reyalizasyon li, ansanm ak enpòtan pou garanti tout moun jwenn enfòmasyon ki enpòtan nan bon ti manmit epi an detay. An plis de sa, MICI panse li esansyèl pou yo bay jarèt ak mwayen komunikasyon yo nan mitan gwoup moun ki te pote plent yo, ansanm ak fason yo konprann sa akò a gen ladan l ak ki eleman espesifik ki genyen nan chak opsyon.

Nan ane 2021, MICI ap kontinye aktivite swivi yo avèk òganizasyon an ansanm ak rankont chak mwa yo sou entènèt avèk Komite Swivi a. Si pandemi an pèmèt sa, MICI ap fè pou pi piti 2 vwayaj Caracol ak Limonade nan dezyèm mwatye ane a pou òganize rankont fasafas avèk Komite a epi pou evalye pwogrè ki reyalize nan zafè konfòmite a. MICI ap bay sipò a tout Pati yo si yo gen bezwen sa epi ap kontinye evalye kondisyon ki kapab kreye feblès nan pwosesis la. Twazyèm rapò anyèl swivi a ap sòti nan mwa janvyè 2022, pandan n'ap konsidere divès mezi ki te pran ak pwogrè ki te reyalize.

I. KONTÈKS ISTORIK KA A

- 1.1 «Pwogram Enfrastrikti pou fè Pwodiksyon» konsantre sou devlopman sektè prive a nan zòn Nò peyi Dayiti grasa konstriksyon epi itilizasyon Pak Endistriyèl Caracol la. Pak la gen yon gwosè ki mezire 246 ekt a epi li chita nan komin Caracol tou prè Trou-du-Nord, Terrier Rouge ak Limonade nan depatman Nòdès peyi Dayiti.
- 1.2 BID te sipòte Program nan grasa kat operasyon finansman kote yo pa te bezwen remèt kòb sa a (HA-L1055, HA-L1076, HA-L1081 et HA-L1091)³ ansanm ak divès koperasyon teknik. Lè rapò sa a t'ap prepare, BID te ap prepare opérasyon finansman HA-L1143 « Pwogram Enfrastrikti pou fè Pwodiksyon V » pou sipòte Pak la.
- 1.3 Pwogram Enfrastrikti (HA-L1055) a, se te premye operasyon pou fè envestisman kote yo pa bezwen remèt kòb la pou sipòte Pak la, se 25 jiyè 2011 Konsèy Administrasyon an te bay akò li sou sa. Operasyon an te finanse : (i) Premye Enfrastrikti Pak la, ansanm avèk kloti ki toutotou espas la, izin pou trete dlo, izin pou yon ti bout tan pou trete dlo ak espas pou jere fatra, (ii) kat konstriksyon endistriyèl, (iii) you bilding pou administrasyon an, iv) etid sosyal ak sou anvironman an, ansanm ak mezi pou diminye pwoblèm yo ak (v) Plan pou dedomaje epi remete sou pye fason pou moun pwojè a te afekte yo jwenn ankò mwayen pou yo viv. Yon pati nan finansman dènye eleman sa a se yon aspè nan opérasyon finansman HA-L1076.
- .
- 1.4 12 janvyè 2017, MICI te resevwa yon rekèt ki soti nan Kolektif Peyizan Viktim Tè Chabé, kote gen twa òganizasyon sosyete sivil la ki sipòte yo: *Accountability Counsel*, *ActionAid Haiti* ak *AREDE*. *Kolektif la gen anviron 422 fanmi* ki t'ap plante sou tè kote Pak la te konstwi a. Moun ki te pote plent yo te di san yo pa te avèti yo yo kòmanse konstwi yon kloti sou teren kote Pak la pral konstwi a sa te anpeche yo ale sou moso tè kote yo te gen jaden ki ap ba yo manje. Se vre yo te resevwa yon dedomajman anvan – ki te gen ladan l yon lajan pou yon ti bout tan ak yon lòt lajan definitiv – Moun ki te pote plent yo te di sa yo te jwenn nan pa te kapab ba yo mwayen pou remete sou pye sa yo bezwen pou yo viv. Se menm jan an tou yo te di yo pa te twò konprann enpak Pwogram nan tapral genyen sou anvironman an, nou vle pale de pwoblèm kontaminasyon rivyè Trou-du-Nord ak lè moun yo ap respire nan zòn kote pwojè a ye, ansanm ak sa ki gen awè a fason pou jere fatra solid yo
- 1.5 Yo te dakò rekèt la te kalifye pou yo resevwa li nan dat 23 mas 2017. 14 jen nan menm ane a, aprè yon evalyasyon sou jan yon pwosesis dyalòg ka rive fèt pwosesis faz konsiltasyon an te kòmanse avèk MICI, Daprè politik MICI-BID, yon pwosesis konsa dire pou pi plis 12 mwa. Oka ou Konsèy Administrasyon BID la ta dakò yon pwolongasyon 6 mwa kapab ajoute sou dat limit anvan an, dat ki te rive 14 desanm 2018.
- 1.6 Pandan pwosesis Faz Konsiltasyon an, MICI te òganize epi planifye 6 seri dyalòg ki te byen òganize, ki se swivi sijè pati yo te mete yo dakò anvan sou yo pou mete nan ajenda

³ Nan ane 2015, Konsèy Ekzekitif BID la te apwouve operasyon HA-L1101 pou sipòte Pak Endistriyèl Caracol la. Yo te anile li nan ane 2019.

a kote metòd ki te itilize a te jwen dizon pati yo. Aprè 6 seri dyalòg sa yo, pati yo te jwenn touswit 19 akò an pati epi yo te siyen akò final la 8 desanm 2018. Akò sa a gen ladan l mezi pou korije fason pou remete sou pye mwayen pou moun pwojè a te afekte yo viv. Yon bò, yon manm fanmi ki te afekte yo ap gen priyorite pou jwenn yon travay nan Pak la aprè li fin pran yon fòmasyon teknik. Yon lòt bò, yon lòt manm fanmi ki afekte yo kapab chwazi youn nan lòt opsyon anplis sa yo: Akse pou gen tè ak sipò teknik (« Aksè pou jwenn tè ») pou yon maksimòm 100 PAP; ekipman espesyal ak entran agrikòl (« Ekipman espesyalize yo »); pwogram gradyasyon pou moun ki pi vilnerab yo chita sou devlopman ti biznis ak aksè a mikwokredi (« Pwogram gradyasyon ») ak yon bousdetid pou ennan pou fòmasyon pwofesyonèl (« fòmasyon pwofesyonèl »). An plis de sa, Akò a prevwa eleman ki gen rapò ak aksè pou jwenn enfòmasyon sou kesyon pwogram sosyal yo ak anvironman yo

- 1.7 Pou sa ki gen awè a fason pou swivi angajman ki te pran yo fèt, tout pati yo te dakò pou mete sou pye yon komite swivi ki gen twa reprezantan moun ki te pote plent yo, yon reprezantan Administrasyon BID ak yon reprezantan Inite Teknik Ekzekisyon an (UTE). An plis de sa, pati yo te mande pou MICI fè swivi a. MICI òganize rankont Komite swivi a avèk èd Julián Portilla, ki se youn nan ekspè sou òganizasyon Mekanis la epi nan akonpaye pwosesis la depi nan kòmansman.
- 1.8 Daprè paragraf 34 nan politik MICI-BID, Pati yo te dakò sou kondisyon akò yo te siyen an, plan an ak kalandriye swivi a ta dwe konfidansyèl. Plan swivi MICI te prezante bay Konsèy administrasyon BID la te jwenn pèmisyon nan kontèks pwosedi kote pa gen barye nan dat 2 fevriye 2019.
- 1.9 An janvyè 2020, MICI te pibliye premye rapò sou Akò a soti nan mwa janvyè pou rive nan mwa desanm 2019. Pandan peryòd sa a, MICI te fè wè UTE ak Administrasyon an te fini avèk pwosesis pou yo analize dedomajman an epi yo respekte dat limit la pou yo distribye kiteskolè yo. Men, MICI te fè ti pwogrè konsènan pati ki gen rapò avèk « Jwenn travay la » ak opsyon pou sipò anplis (Jwenn tè, ekipman agrikòl espesyalize, pwogram gradyasyon ti biznis ak fòmasyon pwofesyonèl). Pou sa ki gen awè a travay nan Pak la, nan fen ane 2019 la, sèlman 12% moun ki te enskri yo te jwenn travay. Sou sa ki gen awè a opsyon anplis yo, an desanm 2019, reyalizasyon fòmèl de youn nan yo pa te ko kòmanse. MICI te rankontre kèk difikilte ki soti bò kote moun ki te pote plent yo pou yo ka pliye yo anba kondisyon akò a te ba yo pou yo chwazi opsyon anplis yo, menm jan avèk pwosesis administratif yo ki nan BID ak l'UTE ki te pran plis tan pase sa ki te prevwa a.
- 1.10 Kontèks ka MICI-BID-HA-2017-0114 ak dokiman piblik kite prepare nan pwosesis la disponib pou konsiltasyon nan fich ka a ki nan domèn Piblik MICI.⁴

⁴ Dokiman piblik ka ki disponib yo, si yo klike sou lyen elektronik yo.

II. PRENSIP DEBAZ POLITIK MICI A POU FÈ SWIVI AKÒ YO

- 2.1 Paragraf 35 politik MICI (MI-47-6) di, nan ka kote pati yo ta jwenn yon akò nan kad pwosesis faz Konsiltasyon an, MICI ap prepare ansanm avèk yo yon plan ak yon kalandriye pou fè swivi akò yo jwenn nan, nan ka kote se sa yo vle vre. Plan sa a p'ap depase 5 lane.
- 2.2 Jan sa te di nan paragraf 35 lan nan politik MICI a, MICI dwe fè konsèy la jwenn, chak ane, yon rapò swivi pou yo ka enfòme.

III. MEZI KI TE PRAN PANDAN PERYOD SWIVI A

- 3.1 Kontak fasafas ak vizit sou tèren se espesyalman pandan devlopman aktivite faz konsiltasyon an nan tout etap li yo. Men, akòz de sitiyasyon pandemi COVID-19 la kreye a ak limitasyon yo bay moun pou ka eseye kontwòle li, te gen kèk mezi ki te pran pou nou te ka adapte nou kote yo te limite omaksimòm efè sou aktivite siveyans pandan dezyèm ane swivi a (janvyè jiska desanm 2020). Aktivite yo, ki te swiv tras ki te bay nan "Nòt oryantasyon pou yon jesyon ki bay aksè ak sekirite pou ka a distans yo", se yo ki prezante anba a :
- 3.2 **Reyinyon Komite swivi a.** Pou dezyèm ane swivi a, sa te prevwa pou fè twa vizit sou tèren epi an menm tan fè plizyè rankont fasafas avèk Komite Swivi a. Men, akòz de pandemi an, reyinyon fasafas sa yo pa te rive reyalize. A koz de sa, nou te fè plis rankont sou entènèt. MICI te eseye leve defi teknolojik ak komunikasyon an jan sa te posib pou yo ka asire yo tout pati yo byen patisipe.
- 3.3 MICI te òganize nèf rankont sou entènèt avèk komite swivi akote yo te garanti patisipasyon a distans Administrasyon BID la, UTE ak konseye moun ki te pote plent yo. Moun ki te pote plent yo te patisipe pa telefòn, paske pi fò nan yo pa te gen aksè avèk òdinatè oubyen yon koneksyon entènèt estab. MICI te fè jwenn entèpretasyon fransè-Kreyòl-fransè. Tout rankont Komite Swivi yo te toujou kòmanse avèk yon rankont pou preparasyon avèk chak Pati yo, epitou se Julián Portilla ki te òganize li avèk patisipasyon moun ki responsab dosye a ak sipò faz konsiltasyon an.
- 3.4 Akòz bezwen ka a, Rankont sou entènèt yo te oblije nou itilize twa platfòm nimerik : (i) *Microsoft Teams* kòm platfòm prensipal rankont lan; (ii) *Cisco Jabber* pou nou ka konekte apèl ki fèt sou *Microsoft Teams* avèk moun ki te pote plent yo, kote se sou telefòn pòtab yo menm yo te rele yo, ak (iii) *Zoom* pou nou ka itilize sèvis entèpretasyon similtanè ak konsekitif pou chak moun ka itilize lang yo pi renmen.

Tablo 1. Reyinyon Komite Swivi a ant 2019 ak 2020

Reyinyon Komite Swivi a	Dat
2019	
1 ^e reyinyon Komite Swivi a (fasafas)	4 fevriye 2019
2 ^e reyinyon Komite Swivi a (entènèt)	8 avril 2019
3 ^e reyinyon Komite Swivi a (entènèt)	11 jen 2019
4 ^e reyinyon Komite Swivi a (entènèt)	29 jiyè 2019
5 ^e reyinyon Komite Swivi a (entènèt)	25 oktob 2019
6 ^e reyinyon Komite Swivi a (fasafas)	16 ak 17 desanm 2019
2020	
7 ^e reyinyon Komite Swivi a (entènèt)	15 janvyè 2020
8 ^e reyinyon Komite Swivi a (entènèt)	2 mas 2020
9 ^e reyinyon Komite Swivi a (entènèt)	7 avril 2020
10 ^e reyinyon Komite Swivi a (entènèt)	5 me 2020
11 ^e reyinyon Komite Swivi a (entènèt)	10 jen 2020
12 ^e reyinyon Komite Swivi a (entènèt)	24 jiyè 2020
13 ^e reyinyon Komite Swivi a (entènèt)	16 septanm 2020
14 ^e reyinyon Komite Swivi a (entènèt)	17 novanm 2020
15 ^e reyinyon Komite Swivi a (entènèt)	17 desanm 2020

- 3.5 **Kontak de tanzantan MICI genyen avèk pati yo ak aktè ki konsène yo.** Pandan peryòd nou obsève a, MICI kenbe kontak chak semèn avèk chak pati pa telefòn, mesaj watsap, imel. Li te òganize tou divès reyinyon kote se te pati yo ki te mande sa lè sa te nesèsè. Nan echanj sa yo, MICI te pwofite okazyon an pou pran enfòmasyon sou lide chak pati genyen sou pwogrè a nan respè akò a, idantifye pwoblèm pou aplike aktivite yo te antann yo sou yo a epi pwopoze mezi ki ta ka rezoud yo.
- 3.6 Anplis de sa, MICI te an kontak an pèmanans avèk reprezantan Ayiti a nan Konsèy Ekzekitif la ak direktè yo ki te montre enterè yo, se konsa avèk Reprezantan BID an Ayiti a ak ekip pwojè a pou yo ka enfòme yo tou tan sou jan bagay yo ap vanse. Patisipasyon aktè nou fèk pale de yo a te bay kontribisyon yo pou garanti respè akò a nan gwo jefò ki gen pou objektif pou aplike eleman yo te mete yo dakò sou li yo pou gen viktwa sou kèk pwoblèm ki gen rapò ak reyalizasyon an.
- 3.7 **Analiz sou risk ki genyen pou sibi represyon.** Nan fen ane 2019 la, MICI te fè sòti « Gid pou fè fas a represyon nan jesyon rekèt yo ». Se nan konsa, MICI te fè yon egzèsis analiz pou risk pou lajan ki genyen pou dosye aktif yo. Pou ka sa a, ekzèsis sa a te fèt nan mwa out 2020 epi konklisyon an te al jwenn moun ki te pote plent yo nan swivi ki dwe fèt pou gid sa yo fèt nan tèt frèt.
- 3.8 **Swivi medya yo ak gwo evenman yo.** Nan peryòd yo te obsève a, MICI te fè yon swivi detanzantan laprès, rezososyo yo, ak espas elektronik ak evenman yo pou yo ka identifiye enfòmasyon ki nan kontèks nou an ki ta ka gen konsekans sou swivi aktivite yo te antann yo sou yo a.
- 3.9 **Eta konfòmite a.** A pati mwa desanm 2020, nou te obsève bagay sa yo :

- 3.10 Diferans ki genyen nan montan lajan yo te konstate pou dedomajman an. Pandan dènye trimès ane 2019 la, Inité Teknik Ekzekisyon an te rapòte yo te fin fè analiz sou lajan pou dedomajman ki te fèt la nan kesyon PAR la, se sa ki fè te gen lajan anplis ki te dwe bay nan 34 ka.⁵ Poutan, 10 jen 2020, Komite Swivi a aksepte fè yon dezyèm analiz pou senk ka kote pa te gen montan anplis pou yo te ba yo, paske kalkil yo pa te twò klè ansanm ak rezon ki fè yo te retire yo nan lis moun ki te dwe jwenn you lajan anplis. Administrasyon BID la ak UTE te di yo pa te ka analize ka sa yo paske yo te gen difikilte pandemi an te ba yo pou yo vwayaje ale nan lòt peyi.
- 3.11 Jwenn travay nan Pak la ki fèt aprè yo fin pran yon fòmasyon teknik (Aksè a travay). Jan Administrasyon BID la te fè konnen, 45 nan PAP enskri yo te jwenn travay nan ane 2019 ak 2020. Men, Direksyon BID la te di gen 15 nan PAP yo ki pa te kontinye travay nan Pak la.⁶ Kote nou ap pale la a, gen 8% PAP ki te enskri ki jwenn travay nan Pak la (sa fè gen yon 4% rediksyon parapò a ane pase a). An 2020 ak avan reyalizasyon yo pou ka fè faskare ak pandemi an, nou te jwenn enfòmasyon kote gen youn nan faktori ki nan Pak la te kontakte 10 PAP, yo te rive fè entèvyou ak sèt yo te anplwaye youn.⁷ Administrasyon an te di plizyè fwa yo te gen pwoblèm pou yo jwenn PAP yo sou telefòn.
- 3.12 Lè nou gade pousantaj anplwaye Pak la genyen jiskaprezan, MICI te òganize yon rankont pou jwenn yon akò ant Pati yo pou Sant Fòmasyon ki nan Pak la fè yon fòmasyon pou yo ka jwenn travay pou yon gwoup pilòt ki gen 100 PAP ladan l pou yo ka jwenn pi bon rezilta nan eleman sa a. Malgre pwoblèm pandemi an te bay, UTE ak BID te bay garanti pou yon fòmasyon ki ap dire apeprè 8 semèn nan sant lan. Komite a te fè yon gwo mobilizasyon, sa ki te ede jwen 68 moun pami sa ki te pote plent yo ki te enskri. Premye gwoup PAP sa yo te fini fòmasyon an nan dat 18 desanm 2020. UTE te di li te an kontak an pèmanans avèk biznis ki nan Pak la pou yo ka rann pi fasil itilizasyon 68 PAP sa yo. Objektif la se pou fòmasyon an kontribye pou bay kapasite PAP yo jarèt pou yo ka reyisi lè yo patisipe nan pwosesis chwa biznis yo mennen. Anfen, an tèm de fòmasyon, Pati yo te mete yo dakò sou yon gwoup 25 PAP anplis ki ap kòmanse avèk yon lòt seri fòmasyon nan mwa janvyè 2021.
- 3.13 Fòmasyon te swiv lespri akò a epi te gen ladan l : (i) lfrè patisipasyon benefisyè yo ki te peye (25 % nan mwaye kou yo, epi 75 % nan fen kou yo aprè verifikasyon kaye prezans lan); (ii) Yon pla cho, ak (iii) transpò ale-retou kote yo ap itilize sèvis transpò ki nan Pak la. MICI te idantifye de pwoblèm ki poze nan devlopman kou yo. Yon bò, moun ki te pote plent yo te di yo te jwenn erè nan premye tranch kòb ki te bay pou patisipan yo. Men, UTE te di yo ap ajoute res kòb la sou dezyèm tranch lan. Yon lòt bò, defi sistèm transpò Pak la gen ladan l te devan je tout moun. Gen twòp moun ki ap monte bis yo sa ki fè genyen yon gwo risk pou moun ki te pote plent yo fè aksidan lè yo t'ap eseye monte bis yo. Se vre, moun ki te pote plent yo te di te gen yon PAP ki te fè aksidan kote blese a pa te gwo. Se menm jan an tou, MICI te avèti kont risk ki genyen nan zafè

⁵ Yo te enfòmè MICI gen yon total 40 ka yo te jwenn kote yo dwe korije montan yo te bay la. Men, jan nou te di sa, sis nan 40 ka PAP sa yo pa te asiste nan divès rankont UTE te genyen ak moun yo pou te ba yo diferans ki te genyen nan kòb ki te manke a.

⁶ Enfòmasyon sa yo te al jwenn MICI 23 desanm 2020. Yo pa te ko konnen rezon ki fè aktivite yo te kanpe. Nou ap tann plis eksplikasyon sou sa pou nou wè klè pou nou ka analize rezon yo, jan sa te di nan akò a.


⁷ Yo te di gen twa PAP ki pa te ale nan entèvyou a.

kontaminasyon COVID-19 la pou moun ki ap eseye itilize yon sèvis ki gen tout bourara sa a ladan l, ansanm ak risk pou fè asèlman seksyèl sou medam ki ap itilize sistèm transpò sa a.

3.14 Mezi pou fè koreksyon anplis pou remete sou pye mwayen pou moun yo viv. Pwosesis chwa PAP yo te kòmnase nan mwa mas 2019 avèk sis seyans pou bay enfòmasyon epi pou fè chwa UTE te òganize ak Administrasyon BID la. Pandan rankont sa yo, plis pase 100 PAP te enskri pou opsyon « Aksè pou jwenn Tè », sa te depase maksimòm sa ki te prevwa nan akò a. Se poutèt sa UTE avèk sipò BID te òganize plizyè rankont anplis ant mwa avril ak jiyè 2019. Men, moun ki te pote plent yo te kontinye enskri pou opsyon ki te gen sou tab la, sa ki fè maksimòm moun yo te ka pran pou opsyon an te depase. Se poutèt sa, nan mwa jiyè ak oktòb 2019, avèk akò alavans tout pati yo ak sou baz lis UTE ak BID te bay la, *Komite* a te pran angajman pou fè de pwosesis pou bay priyorite avèk PAP yo sa ki te pèmèt yo rive jwenn maksimòm yo te dwe jwenn nan. Avèk fen pwosesis chwa sa a nan mwa oktob 2019, MICI te note yo nan eta pou fè reyalizasyon sa a konsa :

3.15 *Jwenn Tè ak sipò teknik (Aksè a Tè):* 76 PAP sou 100 te jwen yon tèren epi yo te bay UTE dokiman yo pou fè transfè papyè tè a. Men, jiska kote nou ap pale la a, poko gen transfè ki garanti menm pou youn nan ka sa yo.

Figi 1. Eta konfòmite opsyon « Aksè a tè ak Sipò Teknik » nan dat 22 desanm 2020




Remak : MICI montre dis ka nan lis UTE ak BID te bay yo, kote li te mande pou verifye chwa opsyon an ak/oswa koneksyon moun nan ak tout PAP yo.

3.16 Idantifikasyon mòso tè yo te kòmanse nan mwa novanm nan lane 2019, lè pwosesis opsyon chwa yo te fini. An novanm 2019, mekanis nan te konstate yon reta 10 mwa anviron nan pwosesis administratif yo ansanm ak apwobasyon bidjè a ant BID ak UTE.

Bidjè a jwenn akò Direksyon BID an Septanm 2020. An menm tan, moun ki te pote plent yo te transmèt dokiman yo bay UTE pandan y'ap idantifye tè yo tikras pa tikras

- 3.17 Daprè sa UTE te rapòte an Avril 2020, yon fwa yo dakò bidjè a, etid dokiman kay notè ak apantaj la tap fèt, epi transfè papye tè a ak tout anrejistreman l nan Direksyon Jeneral Impo yo (DGI).⁸ Men, nan mwa Septanm 2020 an, UTE te fè konnen gen yon etid an plis sou zafè tit yo DGI te dwe fè. Yo pa t fè konnen etap sa a anvan, ni yo pa t di sa te dwe fè pati pwosesis kalifikasyon an. Nan moman rapò sa a tap ekri malgre plizyè demand te fèt, MICI pa t resevwa rapò detaye ak rezilta etid kay notè yo oswa rezilta etid DGI te fè a, epi yo pa konnen dat yo panse papye tè yo ka disponib.
- 3.18 *Ekipman espesyal ak Entran agrikòl yo (ekipman espesyal yo)* : Nan mwa Out 2020, gen ekipman ki te distribye bay 63 PAP (gen 90 PAP ki te enskri nan opsyon sa a) e yo kòmanse enstale yo. 63 PAP yo te chwazi opsyon ponp a motè pou aroze ak fouye pwi yo.
- 3.19 Nan moman yo tap resevwa ekipman yo, moun ki pote plent yo te bay avètisman kote 40 tib pou enstalasyon ponp yo pa t yon bon kalite. Granmesi negosyasyon dirèk ant moun ki pote plent yo ak ekip ki ap egzekite pwogram opsyon sa a (PITAG), yo te mete yo dakò pou ranplase 40 tib yo ak lòt ki gen pi bon kalite. Men, nan mwa desanm 2020, yo te distribiye sèlman 20 grenn tib bay chak ekip.


Figi 2. Eta konfòmite opsyon « Ekipman Espesyalize yo » nan dat 22 desanm 2020



Remak: MICI montre sis ka nan lis UTE ak BID te bay yo, kote li te mande verifye chwa opsyon an ak/oswa apatenans benefisyè a ak ansanm PAP yo. Menm jan an, lè ekipman an genyen akseswa nesesè (kantite tib yo) pou l fonksyone nan yon nivo ideyal, MICI ap anrejistre konfòmite a.

- 3.20 Pwogram gradyasyon pou sa yo ki pi vilnerab, ki chita sou devlopman ti antrepriz yo ak aksè a mikrokredi (Pwogram Gradyasyon): Ekzekisyon pwogram sa a te kòmanse nan mwa novanm 2020, aprè yon reta yon lane depi nan finisman pwosesis chwa opsyon yo. MICI te obsève pwosedi ki pat gen okenn objeksyon Direksyon BID la nan kontra ak Sonje Ayiti, ki se yon òganizasyon espesyalize ki ekzekite opsyon sa a, te pran anviwon nèf mwa.
- 3.21 Pwogram gradyasyon an mete plis aksan sou kreyasyon ti antrepriz, lè yo fini, yo ka gen aksè a mikrokredi yo. Metòd Sonje Ayiti a gen nan yon premye tan yon evalyasyon pou benefisyè yo, yon fason pou konnen kondisyon ak bezwen espesifik chak moun. Pou ka sa a, òganizasyon an rive evalye 147 sou 172 PAP ki te enskri nan Opsyon sa a. Selon enfòmasyon UTE ak administrasyon an bay, yo pat kapab lokalize rès PAP yo.

Figi 3. Eta konfòmite Opsyon « Pwogram gradyasyon an » nan dat 22 desanm 2020




Remak : MICI te siyale kat ka nan lis UTE ak BID te bay la, kote ladan l, li te mande yo verifye koneksyon li ak ansanm PAP yo. Menm jan an, MICI pa t gen aksè ak ni enfòmasyon detaye, ni individyèl sou 147 PAP yo ta evalye yo. Kidonk, li pa posib pou fè soti detay yo selon sèks yo.

- 3.22 Nan mwa desanm 2020, òganizasyon an te fè konnen gen plizyè nan moun ki te pote plent yo deklare yo p at satisfè de sa pwogram sa a te ofri yo te konsidere l enjis pa rapò ak lòt opsyon yo (tè ak ekipman). Selon sa yo te fè aktè yo konnen ki soti nan rapò Sonje Ayiti a, plizyè nan moun ki te pote plent yo ta prefere pa kontinye nan pwogram nan, si avantaj yo te prevwa nan pwogram nan pa ajiste. Pa konsekan, òganizasyon an te fè konnen li tap sispann tout aktivite sou teren yo jiskaske UTE regle koze sa a ak benefisyè yo.
- 3.23 Selon enfòmasyon UTE ak BID te bay, Pwogram nan ta konfòm a sa ki te prevwa nan akò a epi ta menm ofri kèk avantaj ki pa t parèt a klè. Kounye a, aprè de lane fin pase depi lè akò a te siyen, Komite swivi a dakò pou ajiste valè yo dapre jan enflasyon ak to

lajan an ye. Men m jan an, yo te antann yo sou nesesite pou enfòmasyon yo klè epi detaye, yon fason pou evite tout konfizyon bò kote benefisyè yo. Yo prevwa ajisteman yo deside fè yo epi yon pi bon konpreyansyon avantaj pwogram nan ofri, va pèmèt yo rezoud pwoblèm nan ak kandida yo epi egzekisyon opsyon an va demare san gwo tèt chaje.

- 3.24 *Fòmasyon pwofesyonèl : Nan moman rapò sa a t ap ekri, youn nan benefisyè yo pa t kòmanse etid yo nan lekòl la. De sitiyasyon prinsipal te lakòz reta sa a nan demaraj opsyon sa a. Yon kote akòz tout mezi yo te pran pou fè fas ak pandemi an, sant fòmasyon yo te fèmen ant avril ak oktòb 2020. Yon lòt kote, moun ki pote plent yo pa t manke montre kèk dout yo te genyen sou pwogram nan ak dat sant fòmasyon yo ta dwe ouvè ankò. UTE te founi enfòmasyon sa yo an Septanm 2020 epi kandida yo te fè konnen sa yo prefere nan mwa novanm 2020 alòske pi fò nan pwogram yo te deja kòmanse.*

Figi 4. Eitati konfòmite opsyon « Fòmasyon Pwofesyonèl » 22 desanm 2020



- 3.25 Nan mwa desanm 2020, UTE te di l'ap mete yon pwosesis enskripsyon sou pye pou twa benefisyè pou kote yo chwazi a. Li te fè konnen tou pwogram nan ap kòmanse nan mwa janvyè 2020.
- 3.26 Livrezon kiteskolè yo. Nan lane 2019, MICI te note yon fache ki te genyen paske valiz lekòl yo pa t solid sa te fè pati kit ki te distribye nan mwa Out nan menm ane a. Se poutèt sa pati yo te mete yo dakò pou ranplase valiz yo. Pandan yon bon pati nan ane 2020 an, Inite Teknik Ekzekisyon an te achte valiz yo. Se konsa, UTE te montre moun ki te pote plent yo modèl yo te chwazi a pou verifiye kalite a epi finalize acha valè valiz yo bezwen an. Distribisyon an te kòmanse 10 desanm 2020 epi se de valiz ki te distribye

bay PAP ki te patisipe nan distribisyon an. An jeneral, moun ki te la yo te montre yo dakò avèk kalite valiz yo pral achte yo. Avèk distribisyon tout valiz yo, MICI pran nòt pou li di eleman sa a nan akò a te respekte.

- 3.27 Rankont pou fè pwomosyon mikrokredi : Objektif rankont sa a se pou PAP yo, espesyalman sila yo ki te enskri nan pwogram gradiyasyon yo (gade paragaf sa yo 3.21 jiska 3.24), pou yo sa rekonèt enstitisyon ki bay sèvis mikrokredi yo pou yo ka kontribye a rann ti biznis yo a dirab. Se poutèt sa, li te planifye pou reyalize rankont sou mikrokredi sa a touswit aprè pwogram gradiyasyon an te fini.
- 3.28 Mezi ki konekte avèk enpak sosyal yo ak sou anvironman an. Akòz prekosyon ki pran pou moun yo ka adapte yo a pandemi an ak pwoblèm kominikasyon teknolojik, sa te nesèsè pou bay priyorite a pou swivi reyalizasyon mezi pou pote koreksyon pou yo ka byen jere tan an pandan rankont sou entènèt yo. Se menm jan an tou, entansite sijè yo ak nivo teknik ki gen nan enfòmasyon yo ap pran ase tan pou yo kominike yo. Se poutèt sa, pwiske ap gen limit toujou nan depasman pandan yon pati nan ane 2021 an, yo ta dwe fè yon rankont sou entènèt ki pale sèlman sou sijè sa a pandan premye trimès ane 2021 an.
- 3.29 Nan eleman sa a, li enpòtan pou nou di MICI te resevwa yon plent ofisyèl ki sòti nan youn nan konseye moun ki te pote plent yo sou yon pwoblèm ki te genyen avèk youn nan manm sekirite Pak la. Plent sa a te ale jwenn konseye ekip ESS Pak la, MICI te resevwa li nan dat 11 desanm 2020 an. Se konseye a ki te mande sa, MICI te voye dokiman an touswit bay UTE ak BID.

IV. KONKLISYON AK PWOCHEN ETAP YO

- 4.1 Pou espas tan rapò sa a analize a, MICI te rive fè kèk bon pwogrè lè ou konpare li avèk ane 2019 la. Nan lane 2020 an, te gen rezilta ou ka manyen ki te rive reyalize nan opsyon « Ékipman espesyalize » avèk aplikasyon « Pwogram gradiyasyon an » te kòmanse, aprè ennan edmi jiska dezan.⁸ Li ta bon pou nou di tou Pati yo te gen volonte pou jwenn lòt mwayen pou yo jwenn fòmasyon nan sant fòmasyon an Pak la pou yo ka pi fasil jwenn travay. Men, MICI te note yon ralantisman nan pwogrè avèk enfòmasyon detaye ki manke sou aspè « Aksè a Tè ak sipò teknik » sa reprezante yon gwo risk pou pwosesis la.
- 4.2 Pandan tout ane 2020 an, te gen plizyè pwoblèm nan estrikti a ki te parèt tèt yo sa te genyen konsekans sou dewoulman akò a. Limitasyon yo te oblije nou sibi akòz pandemi an sa te afekte aktivite pou dewoulman ak swivi yo pandan depasman yo te diminye nan peyi a ansanm ak lòt peyi yo tou epi kèk espas pou fòmasyon te oblije fèmen. Espesyalman, Pak la te fèmen ant mwa avril ak mwa out sa te gen konsekans dirèk sou tan sa pran pou reyalize eleman sa a « Jwenn travay ». Anplis de sa ki te rive anvan an, kontèks sosyal yo ak politik yo avèk kondisyon sekirite yo ki te frajil te afekte dezyèm ane swivi a, sa ki te limite depasman an Ayiti. Pou fini, an oktòb 2020, lajan Ayisyen an

⁸ Sa enpòtan pou nou note uit premye mwa reta yo se akòz pwoblèm yo te jwenn nan pwosesis la pou yo te chwazi opsyon yo (Gade paragaf sa a 3.15 ak Premye rapò swivi sou akò yo nan faz konsiltasyon an)

te monte (Goud la) anviron 100% pa rapò a dola Ameriken an (USD). Sitiyasyon sa a te rive an menm tan nan kòmansman aplikasyon plizyè opsyon kote montan yo te an dola ameriken nan akò a. Pati yo te antann yo sou yon ajisteman to lajan an ak enflasyon an pou konsève montan ki te jwenn antant sou li a 8 desanm 2018 la, se nan dat sa a akò a te siyen.

- 4.3 Nan nivo ka yo ak sa ki gen rapò ak aspè « Aksè pou jwenn travay », MICI te pale de volonte Pati yo ak mezi administratif yo UTE ak BID te pran pou garanti yon fòmasyon nan sant fòmasyon ki nan Pak la tankou yon mezi anplis pou ede yo jwenn yon travay nan Pak la. MICI te pale de efò mobilizasyon Komite a pou 68 PAP sa yo ka enskri nan fòmasyon an. Akòz sistèm transpò a ki pwouve li pa te gen plas ankò, MICI te konseye pou yo konsidere bay yon mwayen transpò ki garanti pwochen group yo ap jwenn plas. Anplis de sa, MICI ap kontinye siveye aksè moun ki te pote plent yo pou yo jwenn travay, se sa ki pi gwo objektif eleman sa a.
- 4.4 Pou sa ki konsène opsyon « Ekipman Espesyalize yo », MICI te wè se opsyon sa a ki te fè pi gwo nivo pwogrè nan zafè reyalizasyon li. 70% materyèl yo te livre depi mwa Out 2020 epi yo kòmanse enstale yo nan mwa ki swiv livrezon an. Men, MICI te dakò pou gen mezi konfòmite sa a, enskri opsyon sa a kou pyès ki manke yo pou pèmèt ekipman yo byen fonksyone disponib ak enstalasyon 30% ki rete yo.
- 4.5 A pati de kounye a, pwosedi ki genyen nan Administrasyon BID la pou yo bay dizon yo sou bidjè opsyon « Aksè pou jwenn tè a » ak dizon yo nan zafè kontra pou « Pwogram gradiyasyon an » sa te pran ant nèf jiska onz mwa apati de lè yo te fini pwosesis chwa opsyon yo. MICI te remake genyen yon « vayeveyen » avèk ekip ki responsab pou mennen pwojè a sou bon wout avèk pwosedi nou pale de yo anlè a ak prezantasyon delè diferan plizyè fwa sa te ogmante fristrasyon yo epi mete an reta demaraj aktivite pou fè preparasyon yo.
- 4.6 Pou sa ki gen rapò ak aspè « Aksè pou jwenn tè », kou yo apwouve bidjè a ak nan moman yo ap reyalize li, UTE te enfòme MICI pou di li DGI ta dwe fè yon Etid anplis sou papye tè yo. Mezi sa a pa te ko parèt nan kòmansman epi sa te mennen lòt reta nan reyalizasyon opsyon sa a. MICI te pale sou enpòtans pou nou vanse avèk reyalizasyon opsyon sa a ak nesosite pou pwosesis la transparan ak enfòmasyon detaye sou rezilta divès etid ak analiz ki te fèt.⁹
- 4.7 Pou sa ki gen awè a « Pwogram gradiyasyon an » malgre li kòmanse reyalize nan kòmansman mwa novanm 2020, MICI te note kèk pwoblèm nan kesyon komunikasyon nan mitan kadida yo sa ki te rann mobilizasyon moun ki te enskri pou opsyon sa a difisil. Si pa gen solisyon ki jwenn, sa ka kreye plis reta toujou pou reyalizasyon li. Pati yo espere rezoud pwoblèm sa yo nan premye mwa ane 2021 an.
- 4.8 Kòm kesyon ki pase nan mitan tout sa n'ap konsidere, MICI te pale de enpòtans wòl Administrasyon BID la nan pwosesis MICI a. Espesyalman, MICI obsève nesosite pou genyen yon ekip pwojè ki ap pran devan nan plizyè pwosedi administratif, planifikasyon

⁹ Nan moman rapò sa a ap ekri, nou pa te konsilte rezilta divès etid oubyen analiz ki te fèt sou sijè sa a.

ak aplikasyon, paske (i) Administrasyon an se yon aspè esansyèl nan pwosesis MICI yo, ak (ii) nan ka sa a, yo te remake anpil nan reta yo te ka evite grasa yon pi bon planifikasyon ak koòdinasyon nan pwosesis administratif yo nan BID. Respekte tout akò a pou tout pati yo se yon bagay estratejik pa sèlman pou ede kenbe respè avanse nou fè sou kesyon sosyal yo ak sou kesyon anvironman nan BID, men sa vini tou ak yon bagay ki pi enpòtan lè nou va gen pou prepare nouvo operasyon yo pou sipòte Pak la.

- 4.9 Apa nesosite pou garanti transparans nan pwosesis yo epi gen aksè a enfòmasyon, li enpòtan pou byen jere enfòmasyon an epi pou jwenn dokiman ki ranfòse sa ki di yo. Pandan analiz dokiman MICI te gen aksè a yo a sou zafè opsyon yo, MICI te remake diferans ki genyen nan pou pi piti 20 ka. Se poutèt sa, MICI te mande administrasyon BID la ak UTE pou verifye ka sa yo epi bay pyès ki pwouve yo chak.
- 4.10 Anfen, menm lè wòl *Komite a ak Konseye* yo te fondamantal pou mobilize moun ki te gen rekèt yo pou aplikasyon yo, MICI te pale sou enpòtans pou bay pwosesis kominikasyon an jarèt nan mitan Kolektif la. Espesyalman, MICI te panse li ta bon pou ta gen presizyon ki bay sou sa ki nan akò a ansanm ak karakteristik chak opsyon yo pou evite lòt reta nan reyalizasyon an.
- 4.11 Pandan ane 2021 an, MICI ap kontinye avèk aktivite swivi yo a travè òganizasyon an ak rankont Komite Swivi a chak mwa sou entènèt la. Si kondisyon pandemi an pèmèt sa, MICI ap fè pou pi piti de vizit tèren nan Caracol ak nan Limonade pandan dezyèm pati ane a pou ka òganize reyinyon fasafas avèk komite a pou ka evalye pwogrè ki reyalize nan zafè konfòmite. MICI ap pote sipò bay tout pati yo dapre bezwen yo epi ap eseye evalye kondisyon ki ka kreye feblès nan pwosesis la. Twazyèm rapò anyèl swivi a ap pibliye nan mwa janvye 2021, pandan n'ap konte sou divès mezi ki te pran ak pwogrè ki te reyalize.